

ALL NATIONS GOSPEL PUBLISHERS



www.angp-hb.co.za



info@angp.co.za

Omwoyo Kwo Mundu

NOMBA

ESHILOLELO SHO MWOYO

(Owivaali vwo lugano mu tsiipiicha likhumi)

Shitavu shino sharulila Evufaraanza omwaka wa 1732. Shilangwaangwa vari "Eshiwo sho Mwoyo", nomba "Shitavu sho Mwoyo". Shakalushilwamwo ni shandikwa ovulayi khulwo vwilwaatsi mu Afrika ni Reverendi J.R. Gschwend omwaka wa 1929. Shirumikhaanga mu vunyiinji khandi shayandikwa mu tsinomonomo ne tsinimi tsivura 260 ni All Nations Gospel Publishers, vakavaanga mu fivala 127 fie tsmisheni. Avaandu ve tsikholo tsioosi, tsingano ne tsidiini tsioosi, ve-mililwaangwa ne shitavu shino mu miooyo okhuwulila likhuuva lia Nyasaye, khuli mwo muporofeti Ezekieli yavoola emiaaka 586 yivweeni wa Kristo, "Ndamwa omwoyo muiya nende roho Waanje... ne mulava avandu Vaanje, Nasie ndaava Nyasaye weenyu!" Ezekieli 36:26-28.

COPYRIGHT

ISBN 1 - 874934 - 65 - 7

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(A Gospel Literature Mission financed by donations)

(Reg. No. 61/01798/08)

Omwoyo Kwo Mundu

ELITEMPELI LIA NYASAYE NOMBA EYINZU YA SETANI
(1 Yohana 3:4-10)

Lwo lasoomaanga eshitavu shino, omanyori shiveele khuli eshiwo shio mwoyo, sho khwilola omwene. Ove omushivaala nombamba omukrito, ove sosuvilaanga Yesu tawe nombamba walakha livukaana olelola omweene khuli Nyasaye okhulolaanga. "Omuundu alenjelaanga elikoondo navutsa Esie enenjelaanga omwoyo." (1 Samweli 16:7). Nyasaye alolaanga vuli mundu khuli mwaali.

Setani ni baba wo vuveeyi. No mwaami we shilima khandi omunyasaye we lilova lino. Yekatiaanga okhuva ingelosi yo vulafu no khutufia avandu. Mitsinyaanga tsino avapofeeti vawo vo vuveeyi, khuli khale ne vekatiaanga okhuva avarumwa va Kristo. Ne setani mweene wayekhola ingelosi yo vulafu. (2 Vakorinzo 11:13,14). Setani wuveele omunyasaye we lilova lino ne waara avandu mu shilima, valeshe okhumanya vari Nyasaye wavayaanza khuli Yesu yavafwiila. (2 Vakorinzo 4:4). Avooni voosi nende vakhasuvilaanga, vaafwa mu livamwoyo ne vaveele avavefu khu Nyasaye. Varukwaangwa nende amavii ke lilova lino. (Vafeso 2:1-2). Estsimoni tsiaavo nitsikhekukha vaamanya ovuvi vwaavo tawe valativa. Omundu wuvoolanga ari "Embula ovwooni" yekatiaanga omweene, shichila "Yesu Kristo yeetsa okhufwiila avandu voosi avwooni. Yeetsa okhwonoona ko musuku yakhola." (1 Yohana 3:8). "Khu kario yitse khu Nyasaye, yambakhane omusuku na alamwilukha. Yitse khu Nyasaye naye aleetsa khu yinywe." (Yakobo 4:7-8).

Lwo lasoomaanga eshitavu shino nolejela etsipiicha olelola omweene mu mwoyo muumwo. Lakha ovulafu vwa Nyasaye vukhwimililekali mu mwoyo muumwo. Wiyame ori wuveele omwooni. Shichila elikhuvva lia Nyasaye livolaanga liri "Nikhwikaana khuri khuvula ovwooni khukaatanga aveene na sililiwo lia toto mu yifwe tawe. Navutsa niikhwikanila ovwooni vweefu khu Nyasaye alatuusia elilaka Lilie na alakhukholela amalayi. Alakhuveela ovwooni vweefu na alosia amavii keefu."

(1 Yohana 1:1-10).

Amavaanga ka Yesu omwana wa Nyasaye kosiaanga ovwooni weefu vwoosi. Orukwaangwa ni Nyasaye nombaa setani? Wuveele omurumwa wa Nyasaye nombaa omurukwa wo vwooni? Ovwooni nivukhurukhaanga alalova ta, navutsa lila khu Nyasaye. Alakhuveela okhuvurira khu Kristo weetsa okhufwiila avwooni khu shivala. Khandi Kristo mweenoyo yeetsa okhurioola etsinguufu tsia setani nende ovwooni weefu. Yesu no mukhonyi weefu. Wuveele yimbeli wa Nyasaye Mtakatifu, waamanya etsisiiri tsoosi, etsinganakani nende ofukholwa fwe limenya lilio. No vutinyu okhufusa Nyasaye ofukholwa fuufwo. Shichila "Nyasaye niye waloomba amarwi, Alakhaywa arieena okhuwulila? Yaloomba etsimoni Alakhaywa arieena okhulola?" (Zaburi 94:9).

"Omwami alenjelenga mu lilova na tinyilisia ve mioyo cha muriaa." (2 Kyetsinyiinga 16:9).

"Shichila eshillima si shinyala okhushiinga omwooni khu Nyasaye ta." (Ayub 34:21-22).

"Na Yesu Siyavasuvila tawe, shichila yavamanya voosi." (Yohana 2:24).

Khu karioo vaveele no vugaasu vavelelwa ovwooni vwaavo nende amavii kaavo. Wuveele no vugaasu wa Nyasaye akhalolelaanga ovuvi khandi wulali no vuveeyi tawe." (Matayo 11:28-30).

OVWIVAALI VE TSHIPIICHA EPIICHA YO KHURAANGA

Epiicha yino yilevaalanga omwoyo kwo mundu mushiivala, omusaatsa nombaa omukhasi. Evanjili yilangaanga omundu mweenoyo yiri omwooni. Omundu wurukwaangwa na mavii ke shivala shino khandi ne likhaayilwa lio muvili. Epiicha yino yilevaalanga vutsa khuli Nyasaye alolanga omwoyo kwo



1. OMWOYO KWO MWOONI

mwooni. Etsimoni tsiraanyile tsilia tselevalaanga ovunywi vwa malwa khuli Tsingano 23:29-33 shiivolaanga: “Nzivalila omundu wunywetsaanga amalwa okhuvura, na-sie ndakhiwivaalila omundu winyakhasiaanga omweene, wuleraanga eshivii vuli khase na nyaasia. Etsimoni tsiitsie tsiaavesema khuli mavaanga ne wuveele nende etsimbala tsia yerelilaanga omweene. Olacheliitswa na malwa tawe. Khali no-lola nikakasile mushikoombe ni kerulukha. Ni vwa khasha olakwa khuli wulumilwe ne inzukha. Olalola efiindu lukano ne solanyala okhupaara no khulakaya ovulayi tawe.” Mu mwoyo kwo mundu wulia, tsiveelemo etsinyaama tsimiliilie ovwooni lukano lukano. Etsinyama tsilia tsiveele mu mwoyo shichila ovwooni vwoosi vurulaanga mu mwoyo. Nyasaye akhuvolelaanga mu shitavu sha Jeremia ari, “Saliwo wunyula okhumanyaa omwoyo tawe, no mwoyo mulwaale kulawona tawe.” (Jeremia 17:9).

Yesu Kristo mwene yavoola ari “Omwoyo kwomundu kuralungamo amakhuuva amatamaanu: okhunuula, okhweeya, ovukhalukha nende akandi khuli ovuveeyi, lilekaa Nyasaye, lisheendekha, ovukara okhwilola nende ovukhoonza. Amatamanu kano koosi karulaanga mu mundu ne ka muloomba omutamaanu.” (Marko 7:21-23).

1. LIKULUKULU — Likulukulu, shichila lianyaanzwa na avanyiinji livaalanga ovwooni vwo khwilola. Lusifari wali ingelosi ya Nyasaye yo vulafu yakhumwa ni Nyasaye mwikulu shichila okhwiilola. Naye yakwa omusuku wa Nyasaye (Isaya 14:9-17; Ezekieli 28:12-17).

Okkhwiilola khurulaanga mu-shiatiisi ne khwiivalaanga mu tsinjiila tsinyiishi. Avaandu valala velolaanga shichila oyunyiinda, amasoomo kaavo, etsinguvo tsindayi tsiavafawlaanga mutsinjiila tsie tsisoni, ofotiili fwo fung'ining'ini khu makhoono nende mwikosi khuli kalakaanywa mu Isaya 3:16-24. Avaandu vaandi velolaanga shichila avakuuka vaavo, eshivala shiavo, emivayo chaavo khali emiima ne vevililaanga vari Nyasaye waalova avaandu vo khwiilola ne wanyaanza vetitiyaanga. (1 Petro 5:5). Nyasaye waalova okhwiringa no khwiivukuka. (Tsingano 8:13).

Okhwiilola khurelaanga eliononokha ne lichiiinjila lirelaanga eliiikwa. (Tsingano 16:18).

2. IMBWAA — Imbwaa yivalaanga likhayilwa lio muvuli, eshileche (eshifwaavi) no vweeyi. Ovwooni vuno no vunyiinji okhishiila mu tsinyaanga tsino. Khulondaana na kenaako, khuleyamana na makhuuva ka Yesu yavoola emiyiika elefu mbiili chavuuru ari, tsinyaanga tsiokhumala tsilafwaanana nende tsinyaanga tsia Sodomu nende Gomorra. Ovwooni vwe sileche vuno vyaayenjila mu vaandu okhuvulila mu tsinjila tsinyiinji khuli okhulola etsisineema, etsitiivi emivayo nende ofundu fuundi. Avaandu valolaanga ovwooni vuno khuli novulayi vutsa vwe shivala shino. Avaana avanyiinji, avasiaani nende avakhaana valaviyaanga emiima nivakhola ofuundu fwe tsisoni shichila okhulola etsisineema ne mivayo emichaafu. Onyolaanga avaana valatsitsaanga mu vushino nivakhola ovulaaya. Avaana vano sivalondaanga amukhuuva ka vaandu vo khwikaya tawe. Yosefa omwaana wa Yakobo yekaya khu musheele wa Potifa (Liraanga 39). Khale mu Israeli, Nyasaye yekula omweeyi okhwiirwa. Kavetsaanga ni kali kario vulano vuri, khane ovweeyi vwaatitiya. Nyasaye wakaya okhweeya “ovwooni vuundi vwo muundu akhola sivwononaanga omuvlili tawe; navutsa omuundu weyaanga yonaanga khu muvili kukwe omweeme; somanyile ori omuvili kukwo ne litempeli lia Roho Mtakatifu wumenyaanga mu yiwe na wawelesiwa ni Nyasaye?” (1 Vakorinzo 6:18-19). Khu kario omuundu wononaanga elitempeli lia Nyasaye, Nyasaye alamwonoona. Shichila elitempeli lia Nyasaye ne litakatifu, ne-nywee mu veele elitempeli Lilie. (1 Vakorinzo 3:17).

3. YINGURWEE — Yingurwee ne yinyama yinjaafu khuvura, nayo yayaanza vutsa okhulia vuli shindu shayinyoola, shive shilafu nomba shichaafu. Khulondana na kenaako yingurwee yivalaanga ovwooni vwo vunywii no vukhalukha. Ovwooni vuno vwononaanga omuvili kuveele elitempeli lia Nyasaye. Omundu akhayaanza okhunywaa amalwaa, esigara, eyinzaka, okhulia etsinyama tsia mufu, okhunyaanya emiraa, okhumila amalesi lukano na lukano no fuundu fuundi ofunyiinji. Ovunywii vwe

sigara ne yinzaka wwayonoono avaandu okhuvura. Ni Nyasaye yenyene wunyala okhuvaloomba. Ne yavo vayaanza Nyasaye mutoto sivenyaanga okhulia ofuundu fuchaafu khuli fulia tawe shichila vamanya vari emivili chaavo ne litempeeli lia Nyasaye. Paulo yavoola ari, "Toto mwaamanya muri muveele litempeeli lia Nyasaye ne Roho wa Nyasaye amenyaanga mwi-nywee! Khu kario wulonoono litempeeli lia Nyasaye. Nyasaye alamwonoono." (1 Vakorinzo 3:16-17; 6:18-19).

Nyasaye waalova omuundu mukhalukha. Samuvasiaanga eshiindu tawe. Khulitsaanga kho khumenye. Sikhumenyaanga kho khulie ta. Khulitsaanga khumale yinzala, no mukhalukha naye atsitsikanaanga okhusava, "mbelesia, mbelesia!"

Omukhalukha siyekuraanga tawe. Okhulondana ne lilaka likhale omukhalukha nende omunywi vatukhaane veerwe. (Kwitsulitsa 21:18-21). "Avanywi na vakhalukha vatambaanga. No litsaanga vutsa no kona khu shikha shititi walafwaala amatasi!" (Tsingano 28:7). Yitsulila omanyori, yaliwo omuyiinda mulala wali mukhalukha khu miaandu chiiche, ne yafwaa natsia mushiati. Amavi ko vunyi vurelaanga na matinyu muno. Avaandu valolaanga vutsa khuli na maangu. Nyasaye akhuvolelaanga mu shitavu shishe ari, omunywi salinjila mu vwaami vuuvwe. Amalwa sishili shakhulia tawe. Ne shiindu sho khwonoono etsinganakani. Avaandu vamelile vakwitsaanga avayiingwa. Vanyala okhweeya khandi verane. Noonywa muvunyiinji olatamaana. "No vukhoonza okhumeela." (Tsingano 20:1).

Avayeenji nende vakusiaanga malwa vonaanga khu Nyasaye. Nyasaye wavoola mu shitavu sha Isaya 5:22 ari, Mwaatuva! enywe va malwa! Vayaanza okhusaasia no khutsukaasia amalwa! "Mulakhalachilwa enyewe velesiaanga avesheenywe amalwa muri vameele." (Habakkuk 2:15). "Toto mwaamanya muri avooni sivalinyoola ovwaami vwa Nyasaye tawe. Mu khekaata ta. Enywe ni muva aveeyi, nomba vasalaanga misaambwa, nomba vo luswa no vakwa vakhasi, nomba aveefi, nomba avakhalukha, nomba avanywi, nomba avaraasi, nomba avanuuli. Khu vano voosi saliwo wulinjila mu vwaami vwa

Nyasaye.” (1 Vakorinzo 6:9-10). Ovwooni vwo muundu akholaanga kalulani no khweeya no fukhole fuundi khuli oviifi. Ovwooni vuundi, no khusikamila misaambwa nende amaloko. Avaandu vakwitsaanga avasuku ni vobana.

Avaandu vaveele no vuruma vukali. Veshende shelaanga avaandi no khwi-yenyela amalayi. Khandi vakavukhanaanga vakwa ve yimbotokha ni vanywa ne ni vakhola ofuundu fwa-wukhaane. “Vakholaanga ofuundu funo sivalinyoola ovwaami vwa Nyasaye ta.” (Vagalatia 5:19-21). “Mu lanywaa ewayini tawe yilamwonoona, navutsa mu nyoole Roho Mutakatifu.” (Vafeso 5:18).

Yesu avolelaanga valia venyaanga lihonia lio mwoyo ari, “Wulia woosi wuli no vulo yeetse khu Yisie anywee.” (Yohana 7:37-38). Yitsa ewe wuli no vulo. Amaatsi kaveleho! Yitse enywe movula tsendi mukule shakhulia mulie! Yitse mukule ewayini yo mwoyo na maveele. Simularuunga shiindu ta!” (Isaya 55:1). “Wulia wulanywa amaatsi ka nda mweleesia salavaakho no vulo khandi tawe. Amaatsi ka nda-mweleesia kalakwa eshirulo sha maatsi ke liva-mwoyo ne kalamwaa limenya lie miyika ne miyika.” (Yohana 4:14).

4. LIKHUDU — Likhudu livalaanga ovukara nomba ovutofu, okhiying’oosia khu malako. Khaandi likhudu livalaanga eliloko. Ovufuunyu no-vuvii khuli liloko. (1 Samweli 15:23). “Omutara yeyiraanga omweene. Apraanga vutsa kayenyaanga.” (Tsingano 21:25,26). Shitavu sha Vakhalachi 18:9 shivolaanga shiri, “Ne va voola vari, sinjile, khutsie khubane ninavo, shichila khulolila shivala shaavo shili shilayi. Mu lava vakara okhutsia khuvukula shivale-sho tawe.” Omuundu no mukara okhunyoola khali ofuundu fwa Nyasaye. Yesu yavoola ari, “Mulwaane movure mu muliaango mutiti.” (Luka 13:24). “Wulia woosi wukhavaanga anyolaanga.” (Matayo 7:8). “Khurula mu tsinyaanga tsia Yohana mubatiisi khula vulano, ovwaami vo mwikulu vwinjilwaangwa na maani khaandi vo khulwaana na maani nivo valavunyoola.” (Matayo 11:12).

Lilakha okhwendela lihonja lie liva-mwoyo lirelaanga elilifwa lie miyika ne miyika. Likhukayaanga okhusaala no khumanya amakhuuva amalayi ka Nyasaye. Khaandi likhurelilaanga eliononokha. Nyasaye na khulaanga eshinanyeendo shikhuvolelaanga shiri liinda mutsuli olawoniwa nomba yinyaanga yiindi shichila etsinyaanga tsishili tsinyiingi. Shinanyeendo shilatsitsikana okhukaya shirio okhula ofwe noshili okhuhoniwa na Kristo. Nyasaye avolaanga ari, "Nimuwulila omwoyo kukwe vulaano, okhutiinye emiooyo cheenyu khuli vaakuka veenyu vatinya okhuwulila Nyasaye ta." (Waebrina 3:7-8). Ni vaanga vafwa vatuva nivashivolaanga vaari nimboniwe oluundi? Mutsuli seeli yiyo tawe.

Eshikhokoro she likhudu shirumikhaanga muvunyiingi na valosi mukhuloka kho shivalaanga ovwooni vwo vufumu no vunyasaaye nende okhuleka Nyasaye. Muvutinyu vwoosi khuli vulwaale na machelizo, khwavolelwa vari khusaale Nyasaye shichila vuveele hembu. Sikhukhoyeele khu suvile mu tsikhavi ta, "Shichila Nyasaye yemililaanga omuundu mu tsinjila tsitsie." (Zaburi 37:23). "Wiina wuli omulwaale? Alaanje avemilili ve likanisa vamusaalile, vamuveshe amafura mu Liira lia Yesu. Elisaala lie lisuvila lino lilawonia omulwaale. Yesu alakalusia ovulamu vuvwe na alamuveela ovwooni vuvwe. Khu kario samiyane na vesheenywe ne mulawona." (Yakobo 5:14-16). Nyasaye yavoolela avesiraali ari okhusaambe avaana veenyu khuvwaali tawe; avaandu vakhakhola ovunyasaaye nomba ovufumu nomba okhurumishila amalesi ka vakaanga nomba okhureeva avaandu vafwa. Omwami Nyasaye wenyu waalova avaandu vakholaanga ofuundu fwo khu viyilitsa khuli fwenofo." (Khwitsusia 18:10-12). "Yilwaanyi we litaala tsiwo tsiimbwa, avafumu, aveeyi, aveeri, ve misaambwa nende vayaanza ovuveeyi." (Likunula 22:15).

"Mu khareeva oyuyeeti khu vasikamilla vafwa. Ni mukhola murio mu lava avatamanu. Embeele Omwami Nyasaye weenyu." (Ka Valevi 19:31). Navutsa avaandu valamuruma khu vafumu va kholaanga amakhuuva mu vwiifusi. Khaandi valayaanza mureeve avaandu vafwa okhuvurila khu vaandu vashili mwoyo. Shitavu sha Isaya 8:19-20 shivolaanga shiri, "Wulile ka Nyasaye

avolaanga! Mukhawulile vakataanga tawe. Akaavo kavula ovulayi.”

Lwo lasomaanga eshitavu shino Nyasaye alalakayaanga ninawe. Alenyaanga oleshe ovwooni no-mweleesie elimenya lilio. Omwoyo kwe likhudu kulakhukayaanga ni kukhwelesia ovuri. Olachaaka okhweenda ori, “Ninzikanila avaandu valavoola vari shina. Ni ndakha amatunda ke lilova lino khuwulila Yesu we mileembe no vuyaanzi nende ovusangaali khandi wanaanga elimenya lie miyika ne miyika. Wendelaanga efiindu fie shivala, filawa vwaangu. “Fuleshe” Lwa wiyamaanga Yesu mumwoyo, ovurii vwo musuku vukhukayaanga. Kristo yeetsa okhuvoolola vali avavoye khu limenya liiavo shichila ovuri vwe lifwa. (Waebraina 2:14-15). Livaa lio vukara lilombaanga omwoyo kukwo kuva omutinyu khuli eshikhokoro shie likhudu.

5. EYIINGWE — Eyiingwe ne yindulu khaandi ne yindamaanu okhuvura. Elivaa liayo lieneelo lingana lie silaa nende ovuruma ovunyiinji vwaomenya mu mwoyo kwo muundu. Vurelaanga eliifwa. Onyala okhukaya ovuruma vwonoovo vuleshe okhwonoona eshiindu. Yiyame ori eliiva lieneelo liveele mu mwoyo kukwo mani osaale Yesu akhuvoolole. “Olakhola mu liruma ta, lireraanga ovudamaanu.” (Zaburi 37:8). Liruma ne liivi khaandi liononaanga. (Tsingano 27:4). “Wikaye mu vuruma vuvwo, no vuvii okhuva ne shikhoondi.” (Mwilwaatsi 7:9). “Lakhana no vuruma.” (Vakolossai 3:8).

Avari vanyiinji vang’wetsaanga amalwa vari vanyoola ovululu vwo khu khola amavi nende okhurungaasia ne kaveele “khuli ewayini yaloombwa khu vufiisi vwe tsinzukha.” (Khwitsusia 32:33). Lirungasia ne lilayi khu mwoyo mudamaanu, Nyasaye niye wukhalachilaanga ovuvi vwoosi. Yesu yavoola ari, “Yaanza owaasho khuli weyaanza omweene.” (Marko 12:31). “Yaanza khaandi avasuku vaavo.” (Matayo 5:44). Nyasaye walaka okhusamiya ovudamanu vweefu nikava khusamiya ovudamanu vwa vesheefwe vakhukholela. (Matayo 6:12). Omwoyo kwo khwililila mushikhoondi kwalovwa ni Nyasaye. Likhayilwa lio khutaatsia amavaanga nende lie liiye liveele mu-mwoyo kwo

mundu. Ne khukaro mulembe kukhoyeele kunyoleeshe mu mwoyo kwo mundu kho kumeenye.

6. INZUKHA — Inzukha yakaata Hawa mumukuunda kwa Edeni ne yonoona ovulina vwa Nyasaye no muundu. Setani ya shendeshela Adamu nende Hawa lwa yalola nivamenyaanga mu lilova mu-muleembe, nivalakaya ni Nyasaye. Mu lishendekha setani yonoona ovulina vwa Nyasaye no muundu Elisheendekha ne yombotokha yo musuku mwenooyo mu miooyo chia vaandu, yononaanga ovuyaanzi muvo lwa valola avashaawe nivameenya vulayi. Elisheendekha lirelaanga tsinganakani tsimbi mu mwoyo okhwonoona ovuyaanzi vwa vaandu vandi na yinyala okhureela lifwaa. Kano kaveele movunyiinji khu vaandu va vasheelee. "Omusaatsa avetsaanga no vuruma ovunyiinji ne lischeendekha, liruungasia liilie ne likali." (Tsingano 6:34). Muvunyiinji lischeendekha lirelaanga lisaalila, eshivii nende esilaa khuli mutsikholo nende mu tsisukuulu. Khali velwaatsi nende vavukaani vashe ndekhaanga lwa Nyasaye arumishilaanga avashaawe okhuvuura. Vatukhaane valenjele ne vave no vuyaanzi vwa Nyasaye yatsukha mu mioyo chieefu ni Roho Mtakatifu (Varumi 5:5), navutsa emilimo chaavo no wwilwaatsi vwa Nyasaye vulononokha shichila elischeendekha.

7. LISHELEE — Lischelee livalaanga ovwooni vwo khwiyenela ofunyiinji nende ofukali no khuyaanza etsiseenti. Navwo nivwo ovwooni vurelaanga ovudamanu vwoosi. (1 Timateo 6:10). Mu shivala sha Congo kaveleho amashele kalitsaanga ofuku funyiinji khuula kaatikha ne kafwa. Omuundu wo khwiyenela savetsaanga nende omwoyo kwo khukhoonya avatakha nende vali mu lieenya ta. Achelitsaanga etsinjila tsioosi tsia toto nende tsio vuveeyi khunyoola vuruchi vunyiinji vwe lilova. "Yesu yavoola ari, mukhaviikha ovuruchi vweenyu khu shivala shino we fiku ne tsinteveleente tsionoona na veefi khwiiva ta. Navutsa viishe ovuruchi vweenyu mwigulu, we fiku ne tsinteveleente fulonoona khaandi wa veefi valeva ta. Shichila omwoyo kuukwo nikumenyeenje khase wo vuruchi vuuvwo vuli." (Matayo 6:19-21). Akani na-ve yiinzu yiye voosi veerwa shichila vayaanza ethahaabu, tsishiliinji ne tsinguvo. (Joshwa 7). Yuda Iscarioti

wali omuloondi wa Yesu yemika shichila okhuyaanza etsishiliinji tsiatsana.

Si tsili tsishiinji tsili tsindamanu nomba ethahabu navutsa no vunyaanzi vwe tsishiliinji vwe fusa mu mwoyo kwo muundu. Avaandu vanyiinji vononaanga limeenya liaavo nende lie tsiinzu tsiaavo khu lwo khunyoola ovuyiinda okhuvurira mu vuveeyi nende mu mivayo lukano khuli tsimbilio tsie tsifarasi nende tsie tsiimbwa. Elikhaayilwa khunyoola ovuyiinda okhuvurira mu vutiinyu lirelaanga owiifi, owiiri nende eliyiira. Liyaanza tsishiliinji liambanaanga na makhuuva manyiinji, khuli liyaanza lia maani ke siasa yo khuruka avaandu. Amaani ko vuyiinda khulwo khusaliisia avatakha, amaani ke diini khulwo khukhaava yifuma mwiwukaana khuvura Nyasaye, khuleka avaandu ve tsiidiini tsiinti vasuuvila Kristo. (Marko 9:38). Yesu yavoola ari, "Mulenjele ne mwikaye khu liyenyeele lioosi, shichila elimeenya lia toto lio muundu si ya loombwa no fuundu fwaali ninafwo shinga naava omuyiinda. (Luka 12:15). Olukano lwo muyiinda lwali luri: "Yaliyo omuundu muyiinda wali no muguunda kwa maanga ofuraakwa ovulayi. Yakanakana omweene na voola, Seendikho na vuundu wembiikha ofuundu fwaanje. Ekhole endieena? Yevoleela omweene; ndapomola ofwaachi fwaanje nzumbashe ofukali mwandaviika amatumama nende fuundu fuundi. Ne ndevoolela omwene: omuundu we yikhavi! Wuveele no fundu fwoosi fwonyala okhweenya khu miyika minyiinji. Loomba limenya live liaangu, liaa, nywaa, ne wisangaasie omweene!" Ne Nyasaye yamuvoolela ari, "musilu wee! Olwafwaa eshilo shino. Ne wina wulanyoola ofuundu fwa wivishiila funo? Kaveele vutsa kario khu valia vayaanza fie shivaala na valaamanga Nyasaye." (Luka 12:16-21). "Omuundu anyolaanga kho shindu shina khu khweenya fie lilova fioosi mani ofwee? Shivula." (Marko 8:36). "Khu lwaako okhweende muri mulalia shina nomba mulafwala shina navutsa mukhaave ovwaami vwa Nyasaye na alamweelesia efiindu fioosi. Emiooyo cheenyu chilaava we miaandu cheenyu chili." (Luka 12:22-34).

8. SETANI — Setani ni baba wo vuveeyi. Niye wareela ovwooni mu mwoyo. Yesu yavoola ari "Muvuelele avaana vo musuku ne

mulenyaanga okhukhola akaache. Okhurula mwiraanga no mwiiri khandi no muveeyi. Avolaanga ovuveeyi shichila no muveeyi khurula khale, shichila ni baba wo vuveeyi khaandi aveyaanga.” (Yohana 8:44). Ovuveeyi vutiti no vuvii khuli ovuveeyi vukali. Vuwo vuveeyi vulakaywaangwa (vwokhulakaywa), vwandikwaangwa, nende vu-kholwaangwa. Omuundu muveeyi yelombaanga okhuva wa tooto. Nyasaye saveyaanga ta khaandi omukristo satukhaane aveeye ta. (Tito 1:2). ”Ni khusuunga khuri khuveela halala ninaye ne khuchendaanga mu shilima khuveela avaveeyi mu makhuuva keefu.” (1 Yohana 1:6). ”Yilwaanyi we litaala lio mwigulu vaho avadamanu, vovukaanga, aveeyi, aveeri, vasikamilaanga emisaambwa nende avaveeyi va makhuuva no fukhola.” (Likunula 22:15). ”Nyasaye waalova avashayiti vwo vuveeyi.” (Tsingano 6:19).

9. ING'INING'INI — Ing'ining'ini yivalaanga elivaa lio mwoyo kwo muundu. Mu mwoyo kuno ing'ining'ini seeli yindafu ta khwimaanya vari elivaa lio mundu wuno ne liivi. Eliiva liene lino silinyalaanga okhukhola emilimo vulayi vweene ta. (1 Timateo 4:2).

10. IMONI — Imoni yili mu mwoyo kuno niya Nyasaye khwimwaanyia vari Nyasaye alolaanga eshiindu shiosi khaandi avuundu woosi. Alolaanga khali mu mwoyo mwo muundu. Livulaho likhuuva liefusa khu Nyasaye. Nyasaye waamanya kosi ka vaandu vakholaanga muvwifusi. Alolaanga ka vandu vakholaanga mushiilima, mumutsuru nende avuundu woosi.

11. ETSIINIMI TSIO MULILO — Tsiinimi tsiino, tsi mundulo mwo mwoyo kwo mundu. Natsio tsilevalaanga ovuyaanzi vwa Nyasaye khu mwooni. Nyasaye waalova ovwooni ne siyenaanga omwooni afwe ta. Yenyaanga aleshe ovwooni ne ameenye. (2 Petro 3:9). Yesu yeetsa okhuwonia avwooni. No vuyaanzi vunyiinji mwigulu khu mwooni mulala khwikanila. (Luka 15:7). Khaandi tsinimi tsino, tsivalaanga amavaanga ka Yesu Kristo, ”Shimeeme sha Nyasaye”, wo khurusiawo ovwooni vwe lilova.” (Yohana 1:29).

12. INGELOSI — Ingelosi yimanyaanga Elikhuuva lia Nyasaye. Nyasaye avolelaanga omwooni yekanile ne yeyame ovulafu vwa Nyasaye mu mwoyo kuukwe. Nyasaye alavolaanga shinga khu yiwe wulasomaanga eshitavu shino.

13. LINONI — Linoni lino liafwaana eliwuusi. Lilemanyaanga Roho Mtakatifu wa geligali ka Nyasaye. Roho Mtakatifu waamanya omwoyo kwo mwooni, kwo muluunji nende likhalachila lia Nyasaye. (Yohana 15:26). Mu piicha muuno, Roho Mtakatifu wuveele yilwaanyi wo mwoyo shichila no mwoyo kwo mwooni.

Washaanje, wamanyo-ri omwoyo kuukwo kufwanaane no mwoyo kuno, lilila Nyasaye yenjile mumwoyo kuukwo. "Suuvila Yesu Kristo ne olawoniwa." (Vikholwa 16:31). Nyasaye yenyaanga okhuwonia. Wakhulaka okhweelesia omwoyo muya nende eliiva liiya. (Ezekieli 11:19). Kano kaveele mu piicha ya khavili.

EPIICHA YA KHAVILI

Epiicha yino yilevalaanga omwoyo kwa khamanya amavii ko vwooni. Kwa khayaanza okhukhaava Nyasaye. Onyala okhulola Ingelosi yitilile eshiloowa. Liveele okhuvoola vari, "Elikhuuva lia Nyasaye, liveele ne tsingulu khaandi ne limemu khuvura shiloowa she tsimbeka tsivili. Nalio liveele mu mwoyo kuuno. Lichendaanga mu mwoyo kwoosi. Lianaanga elikhalaka khu likhaayilwa ne tsinganakani tsio mwoyo." (Waebrania 4:12). Likhuuva lia Nyasaye litsusiaanga omwoyo liri "Omuruungo kwo vwooni ne liifwa" (Varumi 6:23) khaandi liri, "Vuli muundu alafwa lulala mani akhalachilwe ni Nyasaye." (Waebrania 9:27). "Avooni nende valali vasuuvili valayilwa mu inyaanza yo mulilo munyiinji." (Likuunula 21:8).

Nolenjela ingelosi olalola yitilile eshiong'oong'o mu mukhono mukhasi. Lino lilevalaanga vari omuundu okhuula alafwa. Ewe wulasomaanga eshitavu shino otukhaane omanyori omuvili kweefu kwa khwayaanza kuno kulafwa lidukhu lilala. Ne



2. OMWOYO KWA KHEKOSA KHU VWOONI

nikwakhafwa kulavola ne elivamwoyo lilamenya emihiga ne mihiga. Ne lilakhalachilwa na Kristo. (2 Vakorinzo 5:10).

Mu piicha ya khavili yo mwoyo kwo muundu onyala okhulola etsinyama tsilelukhaanga. Naye ingelosi wa Nyasaye wusinjiile ne shilootwa. Ne Roho Mtakatifu mu mufwaano kwe linoni wukhosiye ovulafu mu mwoyo. Kalevalaanga vari omwoyo kuno kwa khachaaka okhumanya Nyasaye. Ovwooni vwoosi vulawa mu mwoyo ne ovulafu vwa Nyasaye vulenjilamo. Khulwa yako washaanje, wiyame Yesu wuveele ovulafu yenjile mu mwoyo kuukwo. Yesu yavoola ari, "Embeele ovulafu vwe shivala. Wulia wunoonda alanyoola ovulaafu vwo vulamu ne salacheenda mushiilima ta." (Yohana 8:12). Ewe omweene sonyala okhurusia ovwooni na maani kako ta. Wiyame Yesu kho nyale. Yesu yenjiila mwitempeeli na khuuma vo vukhala. Ya voola ari, "Kayandiikwa vari, litempeeli Liaanje ne yiinzu ye lisaala, ne-nywe muyiloombile okhuva ya veefi!" (Matayo 21:13). Omwoyo kuukwo kuveele litempeeli lia Nyasaye, kho-so khoyeele wiyame ovwooni tawe. Lakha Yesu yenjile mu mwoyo kuukwo maani akhuvoolole mu vwooni. "Omwana, (Yesu) na khuvoolola, olava omuvoolola likali." (Yohana 8:36).

EPIICHA YA KHATARU

Epiicha yino yivalaanga omwoyo kwo mundu wulekanilaanga. Roho Mtakatifu nende ovuyaanzi vwa Nyasaye wuveele mu mwoyo kuno. Ing'ining'ini yilakhaanga mu mu mwoyo kuno okhuvoola vari eliiva lio mundu wuno ne lilayi. Omwoyo kuukwe kuparaanga vutsa Yesu wakhufwiila khu musalaba khulimwe ingelosi yichinjile omusalaba mu mwoyo. Omuundu wuno anyala okhumanya ari, ovwooni no vuvi muno na "mavaanga ka Yesu Kristo ka singaanga ovwooni vweeru vwoosi." (1 Yohana 1:7). "Mbeleesia omwoyo-mulayi, o, Nyasaye khaandi wuumbe livaa-mwoyo lilayi." (Zaburi 51:10). Khaandi likhuuva lia Nyasaye livolaanga liri, "Ndayaanza avetitiyii na ve-kanilii vaaria no khumbulila." (Isaya 66:2). Khu wulia waria Nyasaye Roho Mtakatifu omuvolelaanga ari. "Tinya mwana wanje! Ovwooni vuvwo vu veleelwe." (Matayo 9:2). Omuundu wuno



3. OMWOYO KULEKANILAANGA

vulano waamanya ari ovwooni vwuvwe wwoosi vwa chiingwa na Kristo khu musalaba Shitavu sha Isaya 53 shivolaanga shiri “Shichila ovwooni vweeru yakhupwa, wasaalila, Omwami yachiinga omuruungo kweefu.”

Roho Mtaktifu yemililaanga omwoyo kwo mundu wuno ne saali ne lieenda khaandi ta shichila wamanya ari amavaanga ka Kristo kamusiinga ovwooni. (1 Yohana 1:7). Waamanya ari omuundu woosi wasuuvila Yesu salafwa mu liva-mwoyo ta navutsa alanyoola ovumwenyo vwe mihiga ne mihiga. (Yohana 3:16). Vafeso 1:7 shivolaanga shiri, “Khwavoololwa shichila elifwa lia Kristo khandi khwaveleelwa.” Etsinganakani tsio mundu wuno tsiparaanga Nyasaye yenyene wakhuyaanza. (1 Yohana 4:19). Sa-paraanga fwe-lilova ta. Khu tsimpeka tsio mwoyo kuno onyala okhulola setani ne lifumo lilile halala ne tsinyama tsiitsie saba. Vuli yinyama yiveele no wwooni vwayo. Setani halala ne tsinyama tsiitsie saba salenyaanga okhutsia ta, shichila alekombaanga okhukalukha mu mwoyo kwo mundu wuno. Niko kachila Yesu navoola ari “Lenjele ovulayi ne musaale khaandi mukaye omusuku mani aleluukha.” (Yakobo 4:7).

EPIICHA YA KHANE

Epiicha yino niyo mwoyo kwo mukristayo wawoniwa khuvurira khu liifwa iia Yesu Kristo. Khulwa yako, wuno muleembe kwa Kristo kukhawa ta. Vuli inyaanga aparaanga vutswa musalaba kwa Yesu Kristo, shichila khuvurira khu musalaba kuukwe, lilova liaafwa khulwa yifwe ne yifwe khwaafwa khulwa lilova. (Vagalitia 6:14). Yesu yavaambwa khoyifwe fweesi khulafwa shichila ovwooni ne khulamanya shichila ovuluunji. (1 Petro 2:24). Khuvoola vari omukristayo wafwiila elilova. Shitavu shivolaanga shiri, “Khuleshe Roho Mtakatifu akhwimilile ne sikhulekoomba fwe shivala ta.” (Vagalatia 5:16,25).

Khaandi mu-piicha yo mwoyo yino onyala okhulolamo eshichiinji sha vavoyakho Yesu nivashili okhumvaamba. Onyala walola khandi etsisaala tsia yakhupuilwa. Kano kaveele okhuvoola vari

"Ndaavaambwa na
Kristo." Vagalatia
2:20.

"Mu-yinjila yeneeyo
mwivasie avafu khu
vwooni navutsa
avalamu khu Nyasaye
mu Kristo Yesu."
Varumi 6:11.

"Ekheelola vutsa,
navutsa nziilole
khu lwo musalaba kwo
Mwaami weefu Yesu
Kristo kwe liova
liavaambwakho
shichile-sie, naasie
khu lwe liova."
Vagalatia 6:14.



4. OKHUFWA HALALA-NA KRISTO

Yesu yanyakhana shichila owwooni vweeru. Isaya 53:5 shvolaanga shiri, "Khwawoniwa shichila litambitswa lilie." (Mwviyaangu vwa Yesu okhwelesiwa oluyali khuli Mwami yanyekwa na khupwa. Vamufutsakho amare. Vamutsakha nivamuvoolela vari "Ayindiile omwami wa Vayuda." Varakukha ni-vatsia okhumuvaamba. (Matayo 27:27-31).

Vavelewo avanyiinji valekaanga avakristayo ne sivakholaanga katukhaane ta. Vashivambaanga Kristo khu musalaba. (Waebrania 6:6). Si-vali voosi vanangaanga, Mwami, Mwami, Valenjila mu vwami vwo mwigulu, navutsa ni valia vakholaanga ka Baba waanje wo mwigulu." (Matayo 7:21-27).

Mu piicha muno, fuumo efiindu efinyiishi, fwaruumikha mulivaambwa lia Yesu. Efiindu fwenofo ni khuli omufuuko kwa Yuda kwe tsishiliinji tsia vaamba Yesu, etaa ne minyoloolo chia vasikari varumishila nivatiila Yesu nende amachina ka vasikari vavayila omuvayo nivakavana etsinguuvo tsia Yesu. Efiindu fino fioosi fulombaanga omuundu wuno okhufwa halala ni Yesu lwa fukanakanaanga. Zaburi 22:18 shiivolaanga shiri, "Vavayila tsinguuvo tsiaanje nivakavana."

Vavukula efiindu fiifie fioosi ne vambakhana Yesu mweene. Mani nimwo mwakali khu vaandu khali vulano. Avaandu venyaanga tsikhavi tsia Nyasaye khuli yifula no muvasu ne vayambakhana okhumusikamila. Vasalaanga Nyasaye nivakhoola mu-vutiinyu.

Onyala walola elifumo lia wuno Yesu mavaanga na maatsi nikarula mumuvili kuukwe. (Yohana 19:33-37). Petro yekaana Yesu khataru imbeli we taaywa okhulakula. Hanyuma yalila niyekanila likali. (Matayo 26:69-75). Nawe wulasomaanga eshitavu shino wayeyama Yesu imbeli wa vaandu nomba omulolelaanga etsisoni? Yesu yavoola ari, "Omuundu wosi wunziyama imbeli wa vaandu, ndamwiwama naasie imbeli wa Baba wanje. Ne wulia wundolelaanga etsisoni imbeli wa vandu, ndamulolela naasie tsisoni imbeli wa Baba wanje mwigulu." (Matayo 10:32,33).

Yesu yavoola khaandi ari, "Wulia wukhachiinga omusalamba wanoonda satukhaane okhuva omuloondi wanjeta." (Matayo 10:38). Vaveele ne yikhavi vashiingwa ni Yesu Kristo wuveele olwaanda!

"Yesu wuveelo-lwaanda
Khweenya khwi fuusa mwiwe
Amavaanga akaako
Karulaanga mu mbalo
Kalawonia vosi
Vekaniika khu yiwe."


EPIICHA YA KHARANO

Epiicha yino yivalaanga omwoyo kwo mundu wawoniwa ne tsimbavasi tsia Nyasaye tsiveele tsingali. Omwoyo kweene kuno kwakwa litempeli lia Nyasaye wuveele mu vulala vutaru: Nyasaye Baba, Nyasaye Mwana nende Nyasaye Roho. Kaveele khuli Yesu yavoola ari, "Wulia wuyaanze-sie alaloonda amechitso kaanje. Baba wanje alamuyaanza. Ne Baba wanje ninaasie khulameenya ninaye." (Yohana 14:23). Nyasaye yenulaanga, khaandi akasitsaanga okhuvurira mu Yesu Kristo. (Luka 1:52).

Omwoyo kuno kwakwa elitempeli lia Nyasaye ne kwalova ovwooni likali. Kwamaanga amatuunda ka Roho Mtakatifu. Nako kaveele ovuyaanzi, ovusangaali, omuleembe, owwititiyi, owwifwili, ovulayi, ovusuuvilifu, ovuhooma, elikaya naakaandi ko khuyanziza Nyasaye no muundu. (Vagalatia 5:22-23). Khuli shitavu shivolaanga mu Yohana 15:1-10 omwoyo kwo mundu wuno kwaakwa oluseche lwo musabiibu (ivayiini) nalwo lwayaama amatuunda ka Yesu Kristo. Omuundu wuno wayetsula Roho Mtakatifu. Khandi waapatiswa na Roho mwenooyo. Wanyoola amaani ko khufuura elikoomba lio muvili. (Vagalatia 5:24). Roho Mtakatifu amwimililaanga ne sa-paraanga fie shivala ta. (Vagalatia 5:16). Samenyaanga shichila fwalolaanga tawe, navutsa shichila elisuuvila. 1 Yohana 5:4 shivolaanga shiri, "Khwaafuura ke lilova shichila elisuuvila." Khandi amenyaanga

OVUYAANZI
OVUSANGAALI
OMULEEMBE
OVWITITIIYI
OVWIFWIILI

OVULAYI
OVUSUUVILIFU
OVUHOOMA
ELIKAYA
Vagalatia 5:22-23



5. ELITEMPEELI LIA NYASAYE

natinyla omwoyo mu lisuuvila na manya ari Kristo wuveele hembu okhukalukha.

“Vaveele no vugaasu ve mioyo milafu shichila valalola Nyasaye. (Matayo 5:8). Omwami Daudi yasaala Nyasaye amweleesie omwoyo mulayi. Siyapaara ovuyiinda na mayie kayafuraanga ta. (Zaburi 51:10). Saliwo no mundu wunyala okhusiinga omwoyo kuukwe omweene. Navutsa asaale Nyasaye khuli omwami Daudi. Nyasaye yenzaanga okhukhonya avaandu. Yalaga ari, “Nda-khusiinga ovuchafu vwe misaambwa chiicho nende ovuchaafu vwe shiindu shiosi. **Ndakhwaa omwoyo muya ne yinganakani yilmbia. Ndavukula omwoyo kuukwo kwaatinya khuli lichina mani ndakhwa omwoyo-mulayi. Ndakhwa Roho wanje** ne olaloonda amalako kaanje na makhuuva kaanje.” (Ezekieli 36:25-27). Lino ne likhuuva lie lilaka liya lia Nyasaye yakhwaa khuvurila khu Yesu Kristo.

Omwoyo kwaria Nyasaye kulindwaangwa ne Ingelosi khuli piicha yivaalile. (Zaburi 34:7; 91:11; Danieli 6:22; Matayo 2:13; 13:39; 18:10; Vikholwa 5:19; 12:7-10).

Omusuku setani naye wamenya nachelitsaanga omuluunji. Lenjela epiicha ya kharano. Omundu wuno lwa yawoniwa waalakha ovwooni setani yenzaanga okhumukalukha. Khu-lwa yako eshitavu shavoola shiri “Lenjela! omusuku wuwo setani owuumaanga khuli talanyi na khaava waalia.” (1 Petro 5:8). Vaamenya niyekatiaanga khuli ingelosi yo vulafu khulwo khukaata avaana va Nyasaye khali avaroovola vavee. Navutsa nikhusinjiila ovutiinyu khwamukaya alelukha. (Yakobo 4:7).

EPICHA YA SITA

Yino ne piicha yo mwoyo kwo mundu wakalukha inyuma khu Nyasaye. Imoni yiye yindala yafulaasia khwimaanya vari alalakraanga ovukristaayo. Imoni yiindi yilalenjelaanga ne likoomba lie shivala. Omundu wuno sashili na mani ko khu saala Nyasaye ta. Ingawa ashitsitsaanga mwi-vukaana amacheelo manyiinji kamukhaya.



6. OMWOYO KWAA KHACHAAKA OKHULOVA NYASAYE

Nolenjela mu piicha olalola setani alakalusiaanga etsinyama tsiitsie saba tsio wooni. Muvwiyaangu vwo mundu wuno khusaala Nyasaye afuure amachelo ka setani wakhaywa atsitsaanga vutsa mwi-kanisa. Eliiva liilie ne liivi khuli ing'ining'ini yilevalaanga. Wasinjila khu tsinjila tsivili. Ya Yesu nende ya setani. Wachaaka okhwiloola khalimwikanisa. Walova okhumanya ari yawoniwa ne tsimbavasi tsia Kristo. Khandi omundu mwene wuno sashianzaanga avandu va Nyasaye muno tawe. Yewulilaanga okhucheenda na vadamaanu. Likhayilwa lia malwa lia yenjila muye. Yekombaanga okhutsia mu vushino no khukhola ofuundu fudamanu khuli ovulaaya. Omundu wuno atukhaane amanye ari okhuchelitswa si vuli ovwooni tawe, mani asaale Kristo amukhoonye. Navutsa okhufuurwa na machelo niwovwooni.

Si khukhoyeele okhuchela omusuku khali shitere shenyene ta shichila alakhuyuula mani akhure mumulilo. Nyasaye yenyaanga khwambakhane ovwooni vwoosi khali niwuitsa munjila shina. Khulilile Yesu akhukhoonye. Mu piicha onyala okhulola omundu ne shilootwa alatsomaanga omwoyo. Liveele okhuvoola vari, vavo avandu vanyekaanga avakristayo, khuvatsakha no khuvaleka. Omundu wuno alachaaka okhuria avandu khuli avenaavo na aleshe Nyasaye. Ovwooni vwe lishendekha vwe inzukha vulenjila mu mwoyo kwo mundu wuno. Ni vwaangu muno ovwooni vwe tsishiliinji okhwinjiila mu miooyo cheefu nikhukhawulia ka Yesu yavoola.

Ya voola ari "Lenjele ne musaale muleshe okhukwa mu machelizo." (Matayo 26:41). "Wumanyiile ari wusinjile alenjele ovulayi akhakwa ta." (1 Vakorinzo 10:12). "Khwiivishe fwo vulwaani fwa Nyasaye khufuure omusuku." (Vafeso 6:11-18).

EPIICHA YA SABA

Epiicha yino yilevalaanga omwoyo kwo mundu mwooni. Omundu walova amakhuuva ka Nyasaye. Hambeli yali wamanya ovulafu vwa Nyasaye khandi yali ne shiyaanwa sho mwigulu ne yali nende Roho Mtakatifu. Vulaano watifia



7. OMWOYO MUTIINYU KWA-LOVA NYASAYE

elisuuliva. (Waebraina 6:4). Epiicha yino khandi yivalaanga omwoyo kwo mundu wushili khwikanila. Awulilaanga ni ve-lwaatsa Evanjili ya Nyasaye ne sayanzaanga tawe. Omundu waleka Nyasaye atasaanga okhuviiya khali nachelitsa okhwiilomba.

Yesu Kristo mwene yavoola ari, eliidemoni ni liakharula mu mundu ne liatakha walitsia likhavaanga amedemoni kaandi saba ne likalushe ninako mumundu wa lialiimo. Ne kamuloomba avaa omudamanu khuvura wa yali. (Luka 11:24-26). Kano kakhuvoolera vari Evanjili ni toto, shichila yivolaanga yiri, "Imbwaa yilitsaanga amasale kayo ne yingurwe yakhasiingwa yikalukhaanga mamutoyi." (2 Petro 2:22).

Eshitavu sha Luka 11;24-26 nende 2 Petro 2:22 fiavoola khuli mwo mwooni ali. Ovwooni vumurukaanga. Mumoni mumwe mulevalaanga. Roho Mtakatifu wamulakha shichila waloova ovwooni. Omwoyo kwo mundu wuno kwaakwa eyiinzu ya setani. Sikuli litempeeli lia Nyasaye ta. Ingelosi alenjelaanga vutsa kala na paara ari omwooni wuno niyali wekanila ni shina. Avee khuli omwaana wali niyatuva manii wakalushila baba wuwe. Omwana wuno lwayanyakhaana yavoola ari "Ndatsia khu baba wanje mani mboole-ndi, Baba, ndayoona khu Nyasaye khandi khu yiwe. Sendukhaane okhulaangwa omwana wuwo tawe." (Luka 15:16-20). Baba lwa yaloola omwana wuwe yayaanza shichila yali waatva.

Omwoyo kuno sikwenyaanga okhwikanila no khusaala Yesu ta. Omundu wo mwoyo khuli kuno samanyaanga amakhuuva ka Yesu ta khali mwaali na marwii ne tsimoni. Achendaanga vutsa mu vwooni. Setani wayekhala mu mwoyo mumwe ne amurukaanga. Anyala okhulolekha khuli-mundu muluunji-omukristayo. Waafwana eshiliindwa shavekhwa eraanji ne mukari shayetsula ofukuumba. (Soma Matayo 23:27).

Setani wayekhala mu mwoyo kuno muvwiyaangu vwa Roho Mtakatifu. Vuli lidemoni nende ovwooni vwalio liayekhala mu mwoyo kuno. Omundu mwene wuno yenyaaanga okhulekha

ovwooni vuvwe navutsa amademoooni katinya mu mwoyo kuukwe. Shitavu shivolaanga shiri, "Vuli mundu wononaanga elilaka lia Musa yerwaangwa vuchila etsimbavasi imbeli wa vashaiti vavili nomba avanyiinji. Ne wulia waleka Omwana wa Nyasaye anyala okhuva arieena? Waleka amavaanga ke lilaka lia Nyasaye kamusiinga ovwooni? Waleka Roho we tsimbavasi? Parakho vutsa ovutiinyu wwalinyoola mu likhalachilwa! (Waebraina 10:28,29 nende 2 Petro 2:1-14).

Kali mu piicha muno nikava kafwaanana nende kali mumwoyo kuukwo, washaanje, lilila Nyasaye vwangu eshikha shene shino. Lila mumwoyo kuukwo niwikanila khu. Kristo shichila Waebraina 7:25 shivolaanga shiri "Yesu wuveele no vunyali eshikha shiosi okhuwonia wulia woosi witsaanga khu Nyasaye khuvurila khuye." Yesu mwenoyo wuveele nende ovunyali vwo khusaamiya ovwooni vwoosi niwikanila khuye mutooto. Anyala okhukaana setani halala na mademoni kaache koosi khandi anyala okhukhuuma karuula mu mwoyo kuukwo nikava olenyaanga akhole-ario. Yiyame Yesu khuli mundu wa machele yavoola, "No lenyaanga okhumbonia, mbonia." Yesu yetsula etsimbavasi namutilakho omukhono. Ndenyaanga, "Yesu navoola, Va omulamu!" (Marko 1:40-41). Navutsa notsitsachila muvudamanu walatuva. Okhayaanza eshiliima no-loove ovulafu ta. Olava olayanzaanga ovwooni. "No-wooni vurelaanga eliiwa." (Varumi 6:23).

EPIICHA YA MUNANE

Mu-piicha muno onyala okhulola omundu wukonile khu shitali. Omundu wuno no mwoni ne wuveele mu vulwaale ovukali. Omwooni wuno yalova okhuloonda Nyasaye. Yavolaanga vutsa ari 'ninzikanile oluundi.' Vulano eliiwa liakhava hambikhuye nashili mu vwooni. Wuveele ne liendakhana elikali shichila elimenya lilie liaveleenje lio vwooni ne wakhoola khu liifwa. Alendaanga na ma nya-ari Kristo namukhalachila mu inyaanga ye sheeli.

Omwooni wuno alachelitsaanga okhusaala Nyasaye ne




8. ELIIFWA LIO MWOONI

salanyalaanga ta. Eshiong'ong'o sholalolaanga mupicha muno shilevalaanga eliifwa lia-khamulakho, mushikha shakhapariire. Wuveele no vusalili vunyiinji kho salaparangakho emiaandu che shivata ta. Etsishiliinji tsiitsie ne raaha ye shivala fiosi wiviliile avalina vave variile okhusinjila ha shitali wuwe. Ovuyiinda vuuvwe sivunyaala okhumutasa etsinyaanga mushivala nomba okhutitiya ovusalili vuuvwe ta. Setani naye salenyaanga okhumwa ovwiyaangu vwo khusaala Nyasaye ta. Vulano mundu wuno wakhamanya ari ne likhuuva litiinyu okhukhalachilwa ni Nyasaye!" (Waebraina 10:31). Omundu wuno yaloova okhusaala Nyasaye nashili no vwiyaangu. Mu shikha shino sashili no vwiyaangu khandi ta. Avaandu vanyiinji vatukhaanga khu liifwa nivakhaparire ta. Khu kario saala Nyasaye vulano, noshili no vwiyaanga. Omwooni wuno sashilangwangwa ni Nyasaye khandi tawe. Nyasaye alamuvolelaanga ari "Rula khu-yisie, ewe walaamwa, otsie mumulilo kwe miyika ne miyika kwa lombeelwa setani ne tsingelosi tsiitsie!" (Matayo 25:41). "Vuli mundu alafwa lulala na akhalachiwe." (Waebraina 9:27).

EPIICHA YA TISA

Omukristayo wasuuvila Yesu, omwoyo kuukwe kwafwaanana no mwoyo kuuno. Amachelo ko lugano no lugano ketsaanga khuye. Navutsa afuraanga koosi. Onyala okhulola amademoni kwo vwooni vwoosi. Kamuchelitsaanga ne sikanyalaanga ta. Omundu wuno watinya khu Yesu mukhuraanga okhuula mu khumala. (Waebraina 12:1-2).

Amachelo ketsaanga khu mundu wuno, ni khuli ovwooni vwe tsishiliinji, okhwiloola no vweeyi. Amachelo ketsaanga khuye mutsinji tsinyiinji. Lenjela ebuunda mu-piicha mu vwiyaangu vwe yingwe. Omukristayo wuno sakatwaanga ta shichila wasuuvila Yesu Kristo. Roho Mtakatifu amushingaanga namwivalila katooto. Avanywi va malwa khuli valeka avakristayo veesi vamuchelitsaanga. Kano kevaliilwe no mundu wutiliile ewayini mugilaasi. Valia vosi valova avakristayo vamuchelaanga khuli onyalo-khulola omundu wutiliile eshiloowa. Omukristayo wuno



9. OMWOYO KWAFUURA OVWOONI

saritsaanga amanyeko ka vandu ta. Asuuvilaanga vutsa Nyasaye no khwitsusia amakhuuva ka Yesu. "Vaveele no vugaasu va-nyekwaangwa ni vataambitswa shichila navaloondi, vaanje. Yaanze khandi sangaale shichila mularuungwa mwikulu." (Matayo 5:11-12).

Omusuku yenyaanga okhuurusia khu Nyasaye. Ni khusuuvila Nyasaye khulavoola novuyaanzi khuri, "Wina wulakhuurusia khu vuyaanzi vwa Kristo? Ne shivii, na matiinyu, ne litaambitswa, ne yinzaala, no vutaakha, no vusuku noho-liifwa lilanyala?" (Varumi 8:35). "Tawe, mumakhuuva kano koosi khwafuura okhuvurira khu Yesu wakhuyanza!" (Varumi 8:37). Khusaale Nyasaye akhweleesie amani kaache kho khufuure setani. Ne nikhwakhafuura setani khutinye khu Yesu Kristo, wafuura amachelo koosi, ne shichila-ye khulanyoola lifuura ne-taaji yo vukhumi vwe miyiga ne miyiga. (Vafeso 6:10-18; 1 Petro 5:4).

Omwoyo kwo mukristayo wuno kuveele ne liiva lilayi khuli ing'ining'ini yilevalaanga. Omukristayo wuno wasuuvila khandi wuveele nende Roho Mtakatifu. Ingelosi yimutinyilisiaanga khuli shitavu shivolaanga shiri, Valia valafuura valanyoola amatanyi ke miyiga ne miyiga. (Likunula 2:7,11,17,27; 3:5,12,31). Omufuuko kwe tsishiliinjii kulevalaanga vari omukristayo wuno arumishilaanga etsishiliinjii tsiitsie khu miyiinzi cha Nyasaye.

Epiicha yomukaati ne yinyeeni yilevalaanga vari omukristayo wuno amenyaanga limenya lilayi. Asalaanga vuli inyaanga. Sataakhaanga mwivukaana ta. Siyononaanga etsishiliinjii khumalwa no khu fuundu fuundi fudamanu ta. (Vikholwa 15:20).

Epiicha ye shitavu yimaanyia vari omukristayo wuno wayaanza okhusooma Shitavu shia Nyasaye shanaanga ovuchezi ne litinyiilisia. Omukristayo wuno wasita omulasaba kwa Kristo mu mwoyo muumwe. Waamanya ari alesumumukha shichila Kristo. Omwoyo kuukwe kuparaanga ofuundu fwo mwikulu ne fwa hasi ta. (Vakolossai 3:1-2). Wayaanza Nyasaye ne yekombaanga okhumulola. Wuveele khuli omusaala kwa-raakwa hembu no muchela, ne kwamaanga amatuunda mu shikha shakwo. (Zaburi

1:3). Khaandi omukristayo wuno wuveele khuli oluseche lwo musabiibu (ivayini) lwamaanga amatuunda. Siyaria elifwa ta, shichila wayetsula ovuyaanzi vwa Nyasaye wuveele Roho Mtakatifu.

EPIICHA YE LIKHUMI

Eliifwa lio mukristayo no vuyaanzi ovukali khuye. Lenjela epiicha. Omukristayo wasuuvira Yesu yengana khuli wuno. Ingelosi wa Nyasaye amwimililaanga okhula mwikulu.

Yesu yavoola ari, Esie-nisie elisumukuka nende ovulamu, wosi wulusuuvila khali nafwa alamenya, naye wusuuvila namenya salafwa ta. (Yohana 11:25-26). Woosi wuwulila Elikhuuva liaanje no-khusuuvila warume-esie alameenya emiyika ne miyika. Salayaalwa ta. Waavura mu liifwa ne wayoola muvwaami. (Yohana 5:24). Eliifwa siliriisia omukristayo wasuuvila tawe. Liafuurwa. Santiza khandi santiza Nyasaye shichila wakhwelesia elifuura mu Yesu. Omukristayo wasuuvila yekombaanga okhufwa arole Yesu khuli Paulo yavoola, "Ndenyaanga enziendole Kristo shichila no-vulayi muno." (Vafilipi 1:23).

Omukristayo wasuuvila ayanzaanga lwawulilaanga shitavu nishivoola shiri, Mukheenda mu mioyo cheenyu, musuuvile Nyasaye khandi musuuvile isie. Yiingo wa Baba wanje vuuyo ovumenyo ovunyiinji. Ndeetsa emuvukule kho weendi mweesi muveewo. Vakorinzo 2:9 shivolaanga shiri, "Kayandiikwa vari yimoni yishiili okhulola, eshirwi shichili khuwulila no mwoyo kushili khumanya ovulayi vwo fuundu fwa Nyasaye yalombeela avayaanza vave." Khulilova khuno khowoosi luvulawo lulimi lunyala okhunyalala okhulakaya ovulayi vveliguulu lia valuunji va Kristo. Omukristayo alayilwa mwigulu ne Ingelosi wa Nyasaye. Nyasaye alamuvoleela ari, "No vulayi muno omurumwa wanje omulayi, musuuvilifu. Yinjila mu vvaami vvaanje." (Matayo 25:21). Setani saali no vunyali voosi khu mkristayo wuno ta. Likunula 14:13 shivolaanga shiri, vaveele no vugaasu vafwilaanga mu Mwami. Valeemunya. Roho yavoola.



10. OVUSANGALI VWO KHUTSIA MWIKULU

LIOKHUMALA

Mulina waanje, Nyasaye wanyala vioosi khandi we tsimbavasi akhunyalile khuli olasomaanga eshitavu shino. Oleshe owwooni vwuwwo vwoosi ne omwiyame okhuula onyoole owwaami vwe miyika ne miyika. Nawe, wamwiyama khale tinya khuye okhuula khu inyanga ye sheeli shichila aletsaanga (Yesu) vwangu. Ovee mumatiinyu nomba mumatoro, saala Yesu alakhukhoonya kosi khandi akhuure mwugulu. Ovukhuumi no luyali vwuwwe khu Yesu Kristo weeru wo vunyali khurula khu makhula kosi khu miyika ne miyika! Ameni. (Yuda 24,25).

Copyright ANGP

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de www.angp-hb.co.za ou comme une Application "Heart of Man" sur téléphones Android.

Este livro "O Coracao do Homem" é obtido em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

E-MAIL: info@angp-hb.co.za
info@angp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations
Une Mission de litterature evangelique financee de dons
Missao de literatura Evangelica financiada por donativos

(Reg. No. 1961/001798/08)